



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Fontem Teramanum consolatoria.

urn:nbn:de:hbz:466:1-13534

Seu quem bacca liquat myrti, liquat herba uirentis
 Serpylli, aut dulci corna recocta sapa.

Felarius accedat tecum. te culta Patulcis,

Illum pro foribus Antiniana manet.

Nec desunt uina, & lances, mensamq; secundam

Qui curent, missas nec sine lege dapes.

Nec tibi post epulas deerit praeceptor amorum.

Ingenio perijt qui miser ipse suo,

Nec formosa suis quem Cynthia coepit ocellis

Contactum nullis ante Cupidinibus.

Delia nec lasciuia neget tibi carmen, & ille

Qui cupit in gelidis montibus esse lapis.

Basia uel tibi mille dabit, dabit altera mille

Lesbia, quiq; senes nullius assis habet.

Tu modo linque forum, linque & uadimonia Carbo

Tantisper, tibi dum rustica coena datur.

AD FORTEM Teramānum consolatoria.

s Ic quereris Teramāne, dolor sic pectora uexat,

Audiat ut questus Daunias ora tuos,

Sic miser erepto sensim tabescis amico,

Nulla sit ut lacrimis meta futura tuis.

Pirithoum Theseus, Patroclum fleuit Achilles,

Sed finem lacrimis fecit uterq; suis.

Et mortem Euander nato licet optet adempto,

Insilijt moestos non tamen ipse rogos.

Nec minus in patriam nato moriente superstes,

Et caram uoluit Nestor adire Pylon.

Daunus & extincto crudeli funere Turno,

Solatur nati fata cruenta pater.

ERIDANORVM

Nil a deo durum est, quod non sua molliat aetas,
 Et quem mens nequijt, tempora certa leuant.
 Adde quod haud lacrimis dignus, sed laudibus ille ē,
 Pro patria uoluit quisquis obire sua.
 Illum uenturis retinentem nomina seclis.
 Tollet ab obscura fama perennis humo.
 Hac duce Tarpeiam Decius se uouit ob arcem,
 Coclitis & uirtus hac duce nota sui.
 Hinc duo Scipiadae, repetito & uulnere fortis
 Portius, hinc animae prodige Paule tuae.
 Mars pater, & defensa Iouis capitolia magni,
 Et seruata suis Vesta uerenda focis.
 Illis Elystias sedes tribuere piorum
 Certa loca. hic patriae est iura tuentis honor.
 Hic honor, haec loca certa tuo concessa Camillo
 Pro patria Elysiuum cui datur omne nemus.
 Hic inter Marsoſq; suos, priscumq; Sabellum,
 Romanosq; patres, Argolicosq; duces,
 Ostentans decus eximium, sua uulnera, plausu
 Excipitur, plausum reddit & omnis ager.
 Laeta canunt heroes, & alta silentia rumpunt,
 Fama coronatis celsa uagatur equis.
 Quare age nec gratas iuueni depone querelas,
 Et lacrimis parcas hunc onerare tuis.
 Ille deo fruitur, fatis melioribus usus,
 Felix quem patria fas sit in urbe coli.
 Quemq; coles Teramane, memor patriaeq; tuiq;
 Heroem & culta concine culta lyra.